

7. gr.

74

Leita skal ríkisstjórastaðfestingar á skipulagsskrá þessari og hún síðan birt í B-deild Stjórnartíðindanna. 16. maí

REGLUGERÐ

75

um skömmtnun á kaffibæti.

16. maí

Samkvæmt heimild í lögum nr. 37 12. júní 1939, sbr. lög nr. 59 7. maí 1940, er hér með sett eftirfarandi reglugerð:

1. gr.

Bannað er að selja kaffibæti, nema gegn sérstökum seðlum, sem út eru gefnir að tilhlutun ríkisstjórnarinnar eða sérstökum innkaupsleyfum frá skömmtnunarskrifstofu ríkisins.

2. gr.

Þegar úthlutunartímabil hefst skal afhenda skömmtnunarseðil fyrir kaffibæti. Ráðuneytið ákveður hverju sinni með auglýsingu í Lögbirtingablaðinu hversu mikill skammturinn handa hverjum manni skuli vera og hvenær úthlutunartímabil byrjar.

Að öðru leyti setur skömmtnunarskrifstofa ríkisins nánari reglur um fyrirkomulag úthlutunarinnar.

3. gr.

Hver sá, sem flytur til landsins kaffibæti, er skyldur að tilkynna skömmtnunarskrifstofu ríkisins um innflutninginn jafnskjótt og varan kemur til landsins. Enn fremur ber töllyfirvöldunum að tilkynna skrifstofunni í hvert sinn, er kaffibæti kemur til tollafgreiðslu, nafn innflytjanda og hversu mikið magn er um að ræða.

4. gr.

Kaffibætisverksmiðjur, heildsöluverzlanir og aðrir, sem búa til eða flytja til landsins kaffibæti, mega ekki afhenda hann til smásöluverzlana eða annarra, nema gegn innkaupsleyfum, sem út eru gefin af skömmtnunarskrifstofu ríkisins. Þessir aðilar skulu og gefa skömmtnunarskrifstofunni, hvenær sem krafist er, hvers konar skýrslur um framleiðslu, birgðir og sölu af þessari vöru og hráefni í hana.

5. gr.

Smásöluverzlanir skulu senda skömmtnunarskrifstofu ríkisins, svo oft sem hún telur þess þörf, skýrslur um innkaup, sölu og birgðir af kaffibæti.

Enn fremur skulu smásöluverzlanir afhenda hlutaðeigandi úthlutunarstjóra í byrjun hvers mánaðar seðla þá, sem afhent hefur verið út á í síðastliðnum mánuði. Seðlana sendir svo úthlutunarstjóri til skömmtnunarskrifstofunnar þegar hann hefur lokið endurtalningu á þeim.

6. gr.

Skömmtnunarskrifstofa ríkisins afhendir veitingahúsum, gistihúsum, sjúkrahúsum o. þ. h. stofnunum innkaupsleyfi fyrir því magni af kaffibæti, sem þeim kann að verða heimilað að nota.

7. gr.

Rísi ágreiningur um það, hvað telja beri skömmtnunarskyldan kaffibæti samkvæmt þessari reglugerð, sker skömmtnunarskrifstofa ríkisins úr.

75
16. maí

8. gr.

Skömmtunarskrifstofa ríkisins getur hvenær sem er, án dómsúrskurðar, látið rannsaka kaffibætisbirgðir framleiðenda og verzlana og hráefnabirgðir framleiðenda.

Þá getur ráðuneytið, eftir tillögum skömmtunarskrifstofunnar, lagt við allt að 100 króna dagsektir, ef hlutaðeigendur skila ekki á réttum tíma skýrslum þeim, sem fyrirskipaðar eru í þessari reglugerð.

9. gr.

Brot gegn reglugerð þessari varða sektum allt að 10000 krónum, og skal farið með mál út af þeim að hætti opinberra mála.

10. gr.

Reglugerð þessi öðlast gildi þegar í stað, og fellur þá jafnframt úr gildi reglugerð um skömmtun á kaffibæti, nr. 15 22. febr. 1944.

Viðskiptamálaráðuneytið, 16. maí 1944.

Björn Ólafsson.

Torfi Jóhannsson.

76
19. maí

Staðfesting ríkisstjóra á skipulagsskrá fyrir „Ellihlutasjóð sjómanna á Flateyri í Öndarfirði“, útgefin á venjulegan hátt að mandatum af dómsmálaráðherra 19. maí 1944.

Skipulagsskráin er þannig:

SKIPULAGSSKRÁ

fyrir Ellihlutasjóð sjómanna á Flateyri í Öndarfirði.

1. gr.

Sjóðurinn er stofnaður með 400 — fjögur hundruð — króna framlagi frá sjómannadeginum á Flateyri 1942.

2. gr.

Stofnfé sjóðsins, 400 — fjögur hundruð — krónur, hefur verið lagt til ávöxtunar í Sparisjóð Önfirðinga.

Aukning sjóðsins verður með vöxtum stofnfjár, sem jafnóðum leggjast við höfuðstól. Enn fremur væntanleg tillög sjómannadagsins árlega, gjafir og áheit stofnana, félaga eða einstaklinga, sem styrkja vilja sjóðinn.

3. gr.

Tilgangur sjóðsins er sá fyrst og fremst að styrkja gamla sjómenn á Flateyri, sem orðnir eru fyrir elli sakir eða vanheilsu ófærir til þess að stunda sjó eða aðra atvinnu sér til framfæris.

Heimilt er og, ef fé er fyrir hendi, að styrkja aðra sjómenn en gamalmenni, ef þeir hafa orðið fyrir slysum eða heilsubilun, sem veldur þeim atvinnutjóni, einnig er heimilt að styrkja ekkjur og börn sjómanna á Flateyri. Sá, sem styrk á að hljóta úr sjóðnum, verður að vera heimilismaður á Flateyri, og hafa verið það, að minnsta kosti tvö ár, er hann verður styrks úr sjóðnum aðnjótandi, þó er stjórn sjóðsins heimilt að víkja frá þessu ákvæði ef alveg sérstaklega stendur á.